

Hinn 1. júní 1973 höfðu alls 7 ríki fullgilt þessa samþykkt, en ekkert Norðurlandanna er í þeim hópi.

Samþykktin er prentuð hér með sem fylgiskjal II og tillagan sem fylgiskjal IV.

Fylgiskjal I.

Samþykkt nr. 135 um vernd og fyrirgreiðslu til handa trúnaðarmönnum verkamanna á vinnustað.

Allsherjarþing Alþjóðavinnuárástofnunarinnar, er kom saman til fimmtugustu og sjöttu þingsetu sinnar í Genf hinn 2. júní 1971 eftir kvaðningu stjórnar Alþjóðavinnuárástofnunar,

minnist ákvæða Samþykktar um réttinn til að stofna félög og semja sameiginlega, sem kveða á um vernd verkamanna fyrir athöfnum, sem skerði félagafrelsi þeirra í sambandi við vinnu,

telur æskilegt að bæta við þessi ákvæði með tilliti til trúnaðarmanna verkamanna,

hefur samþykkt ákveðnar ábendingar varðandi vernd og fyrirgreiðslu til handa trúnaðarmönnum verkamanna á vinnustað, en það er fimmta mál á dagskrá þingsins, og þar sem þingið hefur ákveðið að þessar ábendingar skuli gerðar í formi alþjóðasamþykktar gerir það í dag hinn 23. júní 1971 eftirfarandi samþykkt, sem nefnist Samþykkt um trúnaðarmenn verkamanna, 1971:

1. gr.

Trúnaðarmenn verkamanna á vinnustað skulu njóta raunhæfrar verndar fyrir hvers konar skaðlegum athöfnum, þ. á m. uppsögn atvinnu, sem beint er gegn þeim vegna stöðu þeirra eða starfsemi sem trúnaðarmanna verkamanna eða aðildar þeirra að stéttarfélagi eða þátttöku í starfsemi slíkra félaga svo framarlega sem þeir haga sér í samræmi við gildandi lög, heildarsamninga eða aðra skipan sem aðilar hafa samþykkt.

2. gr.

1. Á vinnustað skal trúnaðarmönnum verkamanna veitt fullnægjandi fyrirgreiðsla til þess að þeir geti innt hlutverk sitt af hendi fljótt og vel.
2. Í þessu sambandi skal taka tillit til þess, hvernig háttað er sambandi atvinnurekenda og verkamanna í hverju landi, svo og þarfa, stærðar og möguleika hlutaðeigandi fyrirtækis.
3. Veiting þessarar fyrirgreiðslu skal ekki skerða afkastagetu hlutaðeigandi fyrirtækis.

3. gr.

Í þessari samþykkt merkir „trúnaðarmenn verkamanna“ menn, sem viðurkenndir eru sem slíkir samkvæmt lögum eða venju, hvort sem þeir eru:

- a. trúnaðarmenn stéttarfélags, þ. e. a. s. trúnaðarmenn, sem eru tilnefndir eða kjörnir af stéttarfélagi eða meðlimum slíks félags; eða
- b. kjörnir trúnaðarmenn þ. e. a. s. trúnaðarmenn, sem eru með frjálsum kosningum kjörnir af verkamönnum í fyrirtækinu í samræmi við ákvæði laga, reglugerða eða heildarsamninga, enda taki hlutverk þeirra ekki til starfsemi, sem í hlutaðeigandi landi er viðurkennt að heyri einungis undir stéttarfélög.

4. gr.

Með lögum, reglugerðum, heildarsamningum, úrskurðum gerðardóma eða dómstóla má ákveða hvaða flokkur eða flokkar trúnaðarmanna verkamanna skuli njóta þeirrar verndar og fyrirgreiðslu, sem um ræðir í þessari samþykkt.

5. gr.

Nú eru hjá sama fyrirtæki bæði trúnaðarmenn stéttarfélags og kjörnir trúnaðarmenn og skal þá, ef nauðsyn krefur gera viðeigandi ráðstafanir til tryggingar því, að tilvist kjörinna trúnaðarmanna sé ekki notuð til þess að grafa undan stöðu hlutaðeigandi stéttarfélags eða trúnaðarmanna þess og stuðla skal að samvinnu kjörinna trúnaðarmanna og hlutaðeigandi stéttarfélaga og trúnaðarmanna þeirra um öll atriði, er máli skipta.

6. gr.

Samþykkt þessari má veita gildi með lögum, reglugerðum eða heildarsamningum eða með hverjum þeim hætti öðrum, sem samrýmist landsvenjum.

7. gr.

Formlegar fullgildingar á samþykkt þessari skal senda framkvæmdastjóra Alþjóðavinnu- og atvinnuáskrifstofunnar til skrásetningar.

8. gr.

1. Þessi samþykkt skal einungis bindandi fyrir þau aðildarríki Alþjóðavinnu- og atvinnuáskrifstofunnar, sem hafa látið framkvæmdastjórnann skrá fullgildingar sínar.
2. Hún gengur í gildi tólf mánuðum eftir að fullgildingar tveggja aðildarríkja hafa verið skráðar hjá framkvæmdastjórnunum.
3. Síðan gengur þessi samþykkt í gildi, að því er snertir hvert aðildarríki, tólf mánuðum eftir að fullgilding þess hefur verið skráð.

9. gr.

1. Aðildarríki, sem fullgilt hefur samþykkt þessa, getur sagt henni upp að tíu árum liðnum frá fyrstu gildistöku hennar. Tilkynningu um uppsögn skal senda framkvæmdastjóra Alþjóðavinnu- og atvinnuáskrifstofunnar til skrásetningar. Slík uppsögn öðlast ekki gildi fyrr en ár er liðið frá skráningardegi hennar.
2. Hvert það aðildarríki, sem fullgilt hefur samþykkt þessa, og notfærir sér ekki innan árs frá lokum tíu ára tímabilsins, sem um getur í fyrri tölulið, rétt þann til uppsagnar, sem kveðið er á um í þessari grein, skal bundið af henni í annað tíu ára tímabil og síðan getur það sagt þessari samþykkt upp að liðnu hverju tíu ára tímabili í samræmi við ákvæði þessarar greinar.

10. gr.

1. Framkvæmdastjóri Alþjóðavinnu- og atvinnuáskrifstofunnar skal tilkynna öllum aðildarríkjum Alþjóðavinnu- og atvinnuáskrifstofunnar skráningu allra fullgildinga og uppsagna, sem aðildarríki stofnunarinnar hafa sent honum.
2. Þegar framkvæmdastjórinn tilkynnir aðildarríkjum stofnunarinnar skrásetningu annarrar fullgildingarinnar, sem honum berst, skal hann vekja athygli þeirra á, hvaða dag samþykktin gangi í gildi.

11. gr.

Framkvæmdastjóri Alþjóðavinnu- og atvinnuáskrifstofunnar skal senda aðalritara Sameinuðu þjóðanna til skráningar samkvæmt 102. grein sáttmála Sameinuðu þjóðanna, allar upplýsingar um fullgildingar og uppsagnir, sem hann hefur skrásett í samræmi við ákvæði undanfarandi greina.

12. gr.

Þegar stjórn Alþjóðavinnu- og atvinnuáskrifstofunnar kann að álita það nauðsynlegt, skal hún leggja fyrir allsherjarþingið skýrslu um framkvæmd þessarar samþykktar og athuga jafnframt, hvort æskilegt sé að setja á dagskrá þingsins breytingar á henni allri eða hluta hennar.

13. gr.

1. Ef þingið gerir nýja samþykkt, sem breytir þessari samþykkt allri eða hluta hennar og ekki er öðruvísi ákvæðið í hinni nýju samþykkt þá skal:
 - a. fullgilding aðildarríkis á hinni nýju samþykkt ipso jure hafa í för með sér tafarlausu uppsögn þessarar samþykktar, hvað sem ákvæðum 9. greinar hér að framan liður, ef hin nýja samþykkt öðlast gildi og þá frá þeim tíma, er það gerðist;
 - b. aðildarríkjum ekki heimilt að fullgilda þessa samþykkt, eftir að hin nýja samþykkt gekk í gildi.
2. Þessi samþykkt skal, hvað sem öðru liður, halda gildi sínu eins og hún er að formi og efni, hvað snertir þau aðildarríki, sem hafa fullgilt hana, en ekki hina nýju samþykkt.

14. gr.

Hinn enski og franski texti þessarar samþykktar eru jafngildir.

Fylgiskjal II.

**Samþykkt nr. 136 um vernd gegn
eitrunarhættu frá bensení.**

Allsherjarþing Alþjóðavinnuálastofnunarinnar, er kom saman til fimmtugustu og sjöttu þingsetu sinnar í Genf hinn 2. júní 1971, eftir kvaðningu stjórnar Alþjóðavinnuálastofnunarinnar, hefur samþykkt ákvæðnar ábendingar varðandi vernd gegn eitrunarhættu frá bensení, sem er 6. mál á dagskrá þingsins og þar sem það hefur ákveðið, að ábendingar þessar skuli gerðar í formi alþjóðasamþykktar, gerir þingið í dag hinn 23. júní 1971 eftirfarandi samþykkt, sem nefnist Bensen-samþykktin, 1971.

1. gr.

Samþykkt þessi tekur til allrar starfsemi, þar sem starfsmönnum getur verið hættu búin af:

- a. aromatiska kolvatnsefninu bensen C_6H_6 , hér á eftir nefnt „bensen“,
- b. framleiðsluvörum, sem innihalda meira en 1% af bensení, miðað við rúm-mál, hér á eftir nefndar „efni sem innihalda bensen“.

2. gr.

1. Þegar völ er á skaðlausum eða skaðminni efnum, skal nota þau í staðinn fyrir bensen eða efni, sem innihalda bensen.
2. Töluliður 1 í þessari grein tekur ekki til
 - a. framleiðslu á bensení,
 - b. notkunar bensens við efnasyntesur,
 - c. notkunar bensens í brennsluefni véla,
 - d. efnagreininga og rannsóknna á rannsóknastofum.

3. gr.

1. Hlutaðeigandi stjórnvald í hverju landi getur veitt tímabundin frávik frá hundraðstölunni í b-lið 1. greinar og einnig frá ákvæðum 1. mgr. 2. greinar þessarar samþykktar, með þeim skilyrðum og innan þeirra tímamarka, sem ákveðin séu að höfðu samráði við helstu samtök verkamanna og atvinnurekenda, þar sem þau eru til.
2. Í slíkum tilvikum skal hlutaðeigandi aðildarríki tilgreina í skýrslum sínum um framkvæmd samþykktarinnar, sem gefnar eru samkvæmt 22. gr. stofnskrár Alþjóðavinnuálastofnunarinnar, hvernig lögum þess og venju er háttað með tilliti til þessara frávika og um þær framfarir, sem orðið hafa í þá átt að ákvæðum samþykktarinnar verði beitt að fullu.